

Wegimaawaad owi Mina Bimaadiziwin

2019 novel coronavirus (COVID-19)

Manido Giizisoons 31, 2019, aakoziwin inaapinewin owi agaa waawinjigaadesinag gichiwaakigwe e-agigokaad, agii dibaajimowog mino bimaadiziwin nyaagdowendamajig odi Wuhan, China. Owi gagaanji zhiwebak agii gagwekwenjigaade shkiwii coronavirus, ezhi gikenjigaadeg aawang 2019 novel coronavirus maage COVID-19, gaawii agaa aazhigo waamjigaadesinag gewe bemaadizijig.

Wegnesh owi 2019 novel coronavirus (COVID-19)?

Coronaviruses aawinon gichi wijiindiwinan aakoziwi-manijoozhensag age zhiwebak aakoziwinan onji agigokaawin apiinish woshme neniizaanag ozosodamwaapinewin dibishko gonaa dewipane, gichiwaakigwe e-agigokaad maage znagizi ozosodamwaapinewin (SARS).

Owi 2019 novel coronavirus (COVID-19) miigwemigad owi ozosodamwaam iniiwisewin agaa abi njibaamigag odi Hubei kiinsing (Wuhan), China.

Owi ntam aakoziwin agaa nenjigaadeg maanda iniiwisewin maampii Ontario agii waawinjigaade Manidoo Giizis 25, 2020.

Woshme awii gikendaman owi 2019 novel coronavirus, gnowaabmdan
Ontario.ca/coronavirus.

Wegnesh newen inamjiwinan?

Inamjiwinan enigokwaag onji dibasaag – dibishko gonaa gichi-agigokaa miinwaa aanin gagweji ozosodam iniiwisewin – apiinish neniizaanag, miinwaa adaa digosinon:

- gizhiza
 - ososodam
-

- znagag nesewin

Maanzhiwebak owi onji 2019 novel coronavirus gnimaa adaa digosinon neniizaanag inamjiwinan, dibishko gonaa gichi waakigwe e-agigokaad maage odedikosiwa boonitaamigag, miinwaa age aangodinang, nibowin.

Giishpin inamjiwinan woshme zhayaamigag owi agigokaawin (dibishko gonaa, gizhiza, ososodam, znagag nesewin) **miinwaa** agii bibaazhaawin odi aakoziwin temgag¹biinji 14 giizhigadon agii maajitaamigag inamjiwinan, giigidan Telehealth Ontario at 1-866-797-0000 maage giigidan odi mina bimaadiziwin nyaagodwendamajig

(health.gov.on.ca/en/common/system/services/phu/locations.aspx).

Gagwekwendan awii dibaajimowin gdo inamjiwinan miinwaa agaa babaazhaawin, miinwaa dibaatan newen kiin agii nibwaachewin.

Giishpin abi biskaabiiwin onji owi aakoziwin temgag, gnimaa aabdeg gdaa gabaakodis 14 giizhigadon minik. Gnimaa gda agii iniwe idiz owi 2019 novel coronavirus epiichi bibaayaawin miidash bekaa yaawin endaawin miinwaa niibana bwaa waabmadwaa bemaadizijig ada naadmaagemgad awii nigaasijigaadeg woshme awii swebideg aakoziwin. Aga bigosenmigo awii ginondwaa gdo mina bimaadiziwin nyaagdowendamajig

(health.gov.on.ca/en/common/system/services/phu/locations.aspx) owi onji giikmigewin.

Giishpin wewiib dowendaman mashkikii naagdowenjigewin gdaa giigid 911 miinwaa dibaatan agaa bibaa zhaawin minwaa gdo inamjiwinan.

Aaniish ezhi swebideg owi aakoziwi-manijoozhensag?

Coronaviruses swebidenon memdage gwa bezhig bemaadizid miinwaa bekaanizid bemaadizid beshaa yaang, dibishko gonaa, endaang, enji nakiing maage mina bimaadiziwin gamig.

¹ Gnowaabmdan Ontario.ca/coronavirus megwaa kiing medookdaagaadeg.

Aaniish agezhi gnowendiziyaan awii bwaa debinamaa 2019 novel coronavirus?

Gaawii gego ashowizo-mashkiki awii waankiiwendaagozing owi awii bwaa debinigaadeg owi 2019 novel coronavirus.

Temgadon ensa giizhigag age zhichigengiba age naadmaagemigag awii bwaa swebideg maji-manijooshensag gaa-onjibaamigag ozosodam aakoziwin. Nikaazan ninda ensa giizhigag awii naazhisemigag iniwe idiziwin owi aakoziwi-manijoozhensag miinwaa waankiimigag gdo mina bimaadiziwin:

- gaziibiigninjiin miniwe aapii nikaazyin gaziibiiginigan miinwaa nibiish maage ishkodewaabo digosing gaziibiiginjiin
- jaachaaman miinwaa osasadan gdo inagoyaan anik
- gajiton awii bwaa daanginaman gshkiizhigwon, gajaansh maage gdoon.
- gegwa wiii-ake bemaadizijig ayaakozijig
- bekaa endaawin yaan giishpin aakoziyin

Giishpin bibaa zhaawin ngoji gekendaagwog temgag coronavirus aakoziwin, gagwekwendan awii bwaa zhaawin odi:

- gechi niizaanendaagwog yaawong dibisko gona gitigaanan, bemaadizijig wesiinwig enji daaweng miinwaa zhiwe wesiinwig nisaagaaziwaad
- wiji yaawin wesiinwig bemaadizijig maage nebojig), e'dagoshinajig gokooshag, baakaakwenwig, zhiizhiibenwig miinwaa bigoji bineshiinig
- desaagin temgag wesiin mowin maage zaakamowin

Ndaa debnaan ana naandowechigewin owi 2019 novel coronavirus?

Gaawii gego mayaa naandowechigewinan owi coronaviruses, miinwaa gaawii gego ashowizo-mashkiki awii waankiiwin awii bwaa debinaman coronaviruses. Mawaach agwa kina bemaadizijig eyaamijig bemaadizid coronavirus aakoziwin njike ada mina yaawog.

Maanda gdaa zhichige:

- niibna aga minikwe
- nwebin miinwaa nibaan epiichi minik agwa gezhi gshkitowin
- gajitoo ishkgamizigan maage gezhaagmideg giziibiigizhen awii naamaagemgag gaagijji gwandaagwan maage osasdamiwin

Aaniish giishpin aakozii shayaa-aan bebaa piichi bibaa yaa-aan maage apii ne-aab digoshishinaa?

Giishpin maajii aakoziiwin epiichi bibaa yaawin maage shkwaa biskaabiiwin, gegwa beshaa zhaake aanin bkaan bemaadizijig miinwaa giigidan Telehealth Ontario odi 1-866-797-0000 maage giigidan gdo mina bimaadiziwin nyaagodwendamajig (health.gov.on.ca/en/common/system/services/phu/locations.aspx). Wiindamo:

- gdo inamjiwinan
- agaa bibaa zhaawin maage agaa daawin
- giishpin gagwek agii yaawin wesiinig (dibishko gonaa, agii zhaawin bemaadizijig wesiinwig endanadaanding) maage beshaa agii yaawin ayaakozid bemaadizid.

Giishpin aakozii zhayaawin epiichi bimaashiyin odi Gaanada maage apii bigamaazhiyin, wiindamo owa epiichi bimaashing nyaagdowenjiged maage owi Gaanada agokiwaajiganeyaabid.

Nda gikendan bibaayaang wiindamaagewinan waajii-emigag owi 2019 novel coronavirus odi travel.gc.ca/travelling/advisories/pneumonia-china.

Aaniish age zhichige-aan giishpin nendamaa yaamaa aakoziwi-manijoozhensag?

Giishpin maajitaamigag inamjiwiwan owi 2019 novel coronavirus, giigidan Telehealth Ontario odi 1-866-797-0000 maage giigidan gdo mina bimaadiziwin

nyaagodwendamajig

health.gov.on.ca/en/common/system/services/phu/locations.aspx.

Gagwekwendan awii wiindamodwaa gdo inamjiwinan miinwaa agaa bibaa zhaawin, e'dagosin newen kiin agii nibwaachewin.

Giishpin wewiib dowendaman mashkikii naagdowenjigewin gdaa giigid 911 miinwaa dibaatan agaa bibaa zhaawin minwaa gdo inamjiwinan.